

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 29. i 46. Zakona o izvršavanju Budžeta Zeničko-dobojskog kantona za 2024. godinu, („Službene novine Zeničko-dobojskog kantona“, broj: 21/23), na prijedlog Ministarstva za privredu, Vlada Zeničko-dobojskog kantona, na 16. sjednici, održanoj dana 09.02.2024. godine, d o n o s i

ODLUKU
o usvajanju Programa utroška budžetskih
sredstava Ministarstva za privredu u 2024. godini
(Kapitalni transferi drugim nivoima vlasti - izgradnja i obnova tržnica) – Izvor 10

Član 1.
(Predmet)

Usvaja se Program utroška budžetskih sredstava Ministarstva za privredu u 2024. godini– (Kapitalni transferi drugim nivoima vlasti - izgradnja i obnova tržnica) u iznosu 500.000,00 KM (slovima: petstotinahiljada konvertibilnih maraka), koji čini sastavni dio ove odluke.

Član 2.
(Način realizacije)

Sredstva planirana ovim programom realizovat će se u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 3.
(Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-2664/24
Datum, 09.02.2024. godine
Z e n i c a

Nezir Pivić

DOSTAVLJENO:
1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU I GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

PROGRAM
UTROŠKA BUDŽETSKIH SREDSTAVA ZA 2024. GODINU
(Kapitalni transferi drugim nivoima vlasti) – Izvor 10

**PROGRAM
UTROŠKA BUDŽETSKIH SREDSTAVA U 2024. GODINI
(Kapitalni transferi drugim nivoima vlasti) – Izvor 10**

I ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA U 2024. GODINI

Zakonski osnov za donošenje Programa utroška budžetskih sredstava u 2024. godini – Kapitalni transferi drugim nivoima vlasti - sadržan je u članu 29. stav (2) i članu 46. stav (1) Zakona o izvršavanju budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) .

II IZVOR FINANSIRANJA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), planirana su finansijska sredstva, ekonomski kod 615100 IAD 008– Kapitalni transferi drugim nivoima vlasti u iznosu od **500.000,00 KM**.

Ukupno planirana sredstva u koloni Budžeta, Izdaci iz budžeta-Izvor 10, na poziciji budžeta „Kapitalni transferi drugim nivoima vlasti“ (IAX008), realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije BiH (potpore iz Budžeta Federacije BiH), u skladu sa Odlukom koju će donijeti Vlada Zeničko-dobojskog kantona o visini i namjeni utroška sredstava.

III NAČIN REALIZACIJE

Imajući u vidu raspoloživa sredstva iz tačke 2. ovog Programa, Ministarstvo za privredu/gospodarstvo planiralo je utrošak finansijskih sredstava na sljedeći način:

1. SUFINANSIRANJE IZGRADNJE TRŽNICA

Iznos: 500.000,00 KM

Svrha:

Vlada Kantona će finansirati troškove izgradnje i obnove tržnica kao savremenog i funkcionalnog objekta za plasman roba koje se proizvode na području jedinica lokalne samouprave Zeničko-dobojskog kantona, u onim jedinicama lokalne samouprave gdje još ne postoji izgrađena tržnica ili je u lošem stanju. Povećanjem prodaje lokalnih proizvoda doprinosi se povećanju prihoda proizvođača i lokalnog stanovništva, te poboljšanju uslova života, unaprijeđenje kvalitete lokalnih proizvoda, higijene i sigurnosti hrane uspostavljanjem boljih uslova i opremljenosti prodajnih mjesta, promovisanje dobrih poslovnih praksi i održivog razvoja uključujući aspekte zaštite okoliša, javnog zdravstva i sigurnosti hrane.

Radi obavještanja korisnika o mogućnostima dobijanja sredstava poticaja, javni poziv se objavljuje na službenoj web stranici Kantona.

Organizacija-primatelj: Općine/gradovi (JLS) Zeničko-dobojskog kantona, Javna preduzeća sa sjedištem u Zeničko-dobojskom kantonu – upravitelji tržnica

Kriteriji:

Za subvencioniranje troškova izgradnje i obnove tržnica u općinama/gradovima Zeničko-

dobojskog kantona, za koje su riješeni imovinsko-pravni odnosi, za koje je izvršena pretvorba u građevinsko zemljište, projektna dokumentacija i ishodovane potrebne dozvole, Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava za izgradnju i obnovu tržnica u jednicama lokalne samouprave u 2024. godini, članom 29. stav (1) Zakona o izvršavanju budžeta Zeničko- dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2024. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

REKAPITULACIJA UTROŠKA BUDŽETSKIH SREDSTAVA

Rb	NAZIV PROGRAMA	Iznos sredstava /KM/
1.	IZGRADNJA I OBNOVA TRŽNICA U JLS ZENIČKO-DOBOJSKOG KANTONA	500.000,00
UKUPNO:		500.000,00

IV O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

PREMIJER

Broj: 02-11-2664/24
Datum, 09.02.2024. godine
Z e n i c a

Nezir Pivić

DOSTAVLJENO:
1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.